



Uffeci parochial  
7165 Breil



**VIADI DALLAS PLEIVS DA BREIL / DANIS-TAVANASA / DARDIN  
AD ISRAEL / TIARASONTGA  
6 - 17 D'OCTOBER 2013**



*Breil, mars 2013*

*Peziadas interessentas e preziai interessents d'in viadi en Tiarasontga!*

*«Tgei legria, cu ins ha detg a mi: Lein ir viers la casa dil Segner! Ussa seferman nos pass en tias portas, Jerusalem.» (Ps 122,1-2)*

*Sco il psalmist che ha giu scret quels vers sele-grel era jeu d'astgar presentar a Vus il pro-gram detagliau d'in viadi e pelegrinadi ad Israel dils 6 tochen ils 17 d'october 2013.*

*Quei viadi vegn a menar nus entuorn ed el marcau da Jerusalem e porscher numerusas caschuns da smarvigliar e selegrar. Nus visi-tein biars bials ed impurtonts leghens historics e viandein sin ils renomai fastitgs biblics che meinan nus ad ina nova capiën-tscha dallas scartiras dil Veder e Niev Testament. Nus vegnin era a haver temps per contemplar la bellezza cuntrada ed admirar ruinas che dattan perdetga d'ina reha e turbulenta historia dalla Palestina.*

*Peda prendein nus era per meditar texts bi-blics e vegnin a celebrar treis gadas eucaristia.*

*Quella sentupada cun Israel, sias magnificas cuntradas, sia populaziun, sia historia e sias culturas, vegn a fascinar ed a restar en buna memoria.*

*En la speranza ch'il prospect porschi a Vus silmeins in pign avongust da quei che spetga sin nus en Tiarasontga e gidi Vus a sedecider definitivamein per quei viadi, salida cordialmein*

*sur Giusep Venzin*

## **Program da viadi**

### **1. di, dumengia, 6 d'october 2013**

#### **Breil - Turitg - Tel Aviv**

Allas 18.00 h rimnada dils participonts a Kloten. 21.10 h partenza cun in aviun dall' ELAL encunter Tel Aviv. Leu beinvegni entras il guid local e cuort viadi a Jaffa, il marcau antic sper la Mar Mediterrana, nua che nus passentein l'emprema notg.

### **2. di, gliendisdis, 7 d'october**

#### **Tel Aviv / Jaffa - Betlehem**

Suenter solver (buca da marveg!) fagein nus ina tura tras ils marcaus da Tel Aviv e Jaffa. Semettein sin via encunter las muntognas dalla Judea. Sefermein sin il Cuolm dalla Ulivas, cun ina emprema grondiusa survesta sur il marcau da Jerusalem. Arrivein a Ramat Rahel, e da leu a Betlehem, nua che nus vegnin a passentar las duas proximas notgs.

### **3. di, mardis, 8 d'october**

#### **Betlehem e contuorn**

Emprendein d'encouscher la cuntrada ch'ei stada la patria da Rut e liug nativ dil retg David e da Jesus: La grotta (stalla), il vitg e las pastiras da Betlehem. En la cuntrada da Beit Sahur celebrein nus survetsch divin. Agl ur dil desiart ascendein nus il Herodeion, la luxuriosa fortezia dil retg Herodes. Encunter sera fagein nus viseta al spital d'affons a Betlehem e concludin il di cun ina spassegiada alla piazza da fiera ed atras il bazar da Betlehem.

### **4. di, mesjamna, 9 d'october**

#### **Betlehem - Qumran - Mar Morta - Jerico**

Bandunein Betlehem. Tas il Wadi Quelt, ina cuntrada deserta tras las muntognas dalla Giudea, meina la via nus giu en la planira da Jerico, in dils pli vegls marcaus dil mund. In tschancun da quella via mein nus a pei (tgi che po). Il bus meina nus a Qumran e da leu sper la Mar Morta, nua ch'ei dat caschun da far bogn en la renomada aua da sal e zuolper. Stein surnotg a Jerico.

### **5. di, gievgia, 10 d'october**

#### **Jerico - Cuolm dalla tentaziun - Bet Schean - Lag da Gennesaret**

A Jerico interessescha nus oravontut il Tell el-Sultan cun sias restonzas dil pli vegl mir dil mund. Cun la pen-diculara contonschein nus il cuolm, nua che Jesus ei vegnius tentaus dil giavel e nua che nus gudin ina grondiusa survesta sur la planira ed oasa da Jerico. Viagiond encunter il nord tras la Val dil Jordan sefermein nus a Bet Schean (interessentas ex-cavaziuns archeologicas)



ed arrivein da leu tier nies hotel en la vischinonza dil lag da Gennesaret.

**6. di, venderdis, 11 d'october**

**Cuolm dallas beadientschas - Tabgha - Cafarnaum - Golan - Banyas**

Semettein sin via al Cuolm dalla beadientschas - cun sia survesta magnifica sur il lag da Gennesaret. Descendein il cuolm (a pein ni cul bus) e visitein Tabgha e Cafarnaum. Cheu han ins scuvretg las ruinas dalla renomada sinagoga da Galilea e dalla casa paterna da S.Pieder. In bastiment porta nus a l'otra riva dil lag, el Kybbuz En Gev, nua ch'ìls renomai pèschs da S.Pieder dostan nossa fom da gentar. Silsuenter meina il bus nus en ina bellezza cuntrada: Sin igl ault dil Golan, sper ils cunfins dalla Siria. Cuntinuaziun dil viadi el nord a Banyas ed allas fontaunas dil Jordan, cuntrada da Cesarea Filippi. Retuorn al Hotel sper il lag da Gennesaret.

**7. di, sonda, 12 d'october**

**Nazaret - Tabor**

La damaun visitein nus Nazaret, il marcau, nua ch'igl aunghel Gabriel ha visitau Maria ed annunziou ad ella la naschienscha da siu feigl Jesus. Cheu ha Jesus pas-sentau la gronda part da sia veta. Contemplein la baselgia dall' annunziaziun e la veglia sinagoga dil liug e spassegein tras il bazar arabic. Suentermiezdi carrein nus cun taxis sin il Tabor, il cuolm dalla transfiguraziun. En la vischinonza dil sanctuari celebren nus nossa secunda eucaristia (el liber). Descendein dil cuolm a pei ni per taxi e contonschein la planira da Jesreel, nua che nus durmin la davosa gada el hotel sper il lag da Gennesaret.

**8. di, dumengia, 13 d'october**

**Akko - Haifa - Caesarea - Jerusalem**

Semettein sin via alla riva dalla Mar Mediterrana e sefermein ad Akko, il renomau marcau e fortezia dils cruschaders. Contemplein las imposantas fortezias d'ustonza, il marcau sutterran dils cruschaders, sco era la caravansa terca e fagein ina spassegiada tras il bazar. A Haifa visitein nus la tauna dil profet Elija. In ulteriur liug da viseta ei Caesarea sper la mar, in dils marcaus da Herodes. Encunter sera contonschein nus nies hotel a Jerusalem.

**9. di, gliendisdis, 14 s'october**

**Jerusalem - la part cristiana**

Dil Cuolm dallas Ulivas anora gudin nus bein la pli biala survesta sur il marcau da Jerusalem. Descendend dil cuolm sefermein nus en la baselgia dil Pater-Noster, la moschea dall'ascenziun (Anceinza) e la caplutta Dominus flevit. Naven digl Iert dallas Ulivas, sur la val dil

Chidron, meina la porta da Sogn Stiafen nus viaden el marcau sogn. Tras la via dolorosa suandein nus ils fastitgs da Jesus e las staziuns da sia via dalla passiuon tochen sin il Calvari ed alla sontga fossa.

**10. di, mardis, 15 d'october**

**Jerusalem - la part arabica e giudaica**

Il secund di el marcau sogn da Jerusalem meina nus igl emprem sin il cuolm Sion e da leu tras las streglias dil marcau al mir da sospirs e sin il plaz dil tempel sper il dom dil grep e la moschea El Aksa, ils gronds sanctuaris digl Islam. Suentermiezdi meina il bus nus en la part nova dil marcau, tier il museum d' Israel, il memorial da Holocaust Yad Vashem sco era tier las renomadas finiastras da Marc Chagall en la clinica da Hadassah. La sera passentein nus comunablamein el curtgin d'in restaurant arabic.

**11. di, mesjamna, 16 d'october**

**Jerusalem individual**

Nus gudin in di liber - mintginA tenor gust e luna. Temps per palandrar tras las streglias ed il bazar dil marcau vegl, cumprar en e.t.c.

Encunter sera bandunein nus Jerusalem e mein cun nies bus tochen Neue Shalom, in vitg agl ur dalla planira encunter la mar, in liug, nua che Cristians e Gediud fuorman e vivan ina cuminonza. Passentein leu en atmosfera pascheivla nossa davosa notg en Tiarasontga.

**12. di, gievgia, 17 d'october**

**Neue Shalom - Tel Aviv - Turitg - Breil**

Suenter solver ed in davos survetsch divin meina il bus nus alla piazza aviatica da Tel Aviv. Prendein cumiau d'Israel e sgulein cun ELAL viers la Svizra.

Cun in dils davos trens arrivein nus puspei en Surselva.

*Midadas da program restan resalvadas.*

**Seras d'informaziun**

Ei vegn organisau duas seras d'informaziun.

L'emprema ha liug: Venderdis, ils 24 da matg allas 20.00 h en casa da scola aula a Breil. Ludwig Spirig-Huber, il menader dil biro da traffic **TERRA SANCTA TOURS**, orientescha sur dalla situaziun actuala ad Israel, declara tgei ch'ei da risguardar en Tiarasontga, tgei che s'auda en la valischa ed autras damondas da preparaziun ed organisaziun. Quella emprema sera d'informaziun ei era previda per tals che pondereschon aunc da vegnir ni buc.

Secunda sera d'informaziun ha liug: Venderdis, ils 13 da settember, medemaen a Breil en casa da scola. Quella sera dat sur Giusep ina introducziun en la historia e geografia dalla tiara e la culissa biblica dil viadi.



**Uffeci parochial  
7165 Breil**

**PLEIVS DA BREIL / DANIS-TAVANASA / DARDIN**

sur Giuseppe Venzin  
Cadruvi 33  
7165 Breil/Brigels

surgiussep@kns.ch  
Telefon 081 941 17 18 ni 079 222 36 49

**TERRA SANCTA TOURS AG**

Ludwig Spirig-Huber  
Burgunderstrasse 91  
3018 Bern

info@terra-sancta-tours.ch  
Telefon 031 991 76 89  
www.terra-sancta-tours.ch



Fotos: Giuseppe Venzin, Breil

